

陝西通志



第十卷

山川三

延安

鳳翔

DS
793
S46S5
1735
V.10

陝西通志第十卷

山川三 延安府 鳳翔府

延安府膚施縣

鳳凰山 在府西城跨其上雉堞巍然為郡山首上有鎮西樓宋范

仲淹建殘碑猶存今重修府志

雲梯山 一名雲夢山 在府北關一名雲夢山文廟在焉又筆架山在府學

東又文廟西北有碧簪山府志山形如簪高數百丈雍勝畧

草塲山 在縣西南百五十步山脊入城中與府治相連雍大記

太和山 一名清涼山 在縣城東北七十步其巔最高一峰曰蓮花峰上有

尸毘巖又萬佛洞內有石佛萬餘潛確類書佛書言昔尸毘王割身肉

飼鷹後人言膚施即此地按漢書膚施乃秦縣其時未有佛書此

傳會之說也雍勝畧又有仙石洞落星巖文岡爛骨泉相傳為樵子

觀仙棋爛骨處

府志

清涼山阿多名人題咏石刻參差磊落里人呼

為詩灣邑令翟善愛其名勒石志之

華岳集

仙石洞下有撒珠坡萬

佛洞下有插金崖

縣志

五龍山

在城東一里

縣志

膚施倚有五龍山

金史地理志

山下有黑龍泉

府志

嘉嶺山

在縣東南百八十步南河之濱形勢高峻上有古塔

縣志

范

仲淹大書嘉嶺山三字刻於石

潛確類書

熙寧十年帥延因時遊觀南

上嘉嶺北上九州臺西北獵於伏虎龍頭山東閱武於武家坪皆

極高深之致

宋呂惠卿築四堡記

山有先憂後樂宋朝人物第一胸中自有

數萬甲兵泰山北斗出將入相一韓一范各大字山頂古塔九級

唐建洪鐘一口金造

府志

三臺山

在縣南一里

縣志

有大通寺山下有龍耳泉

府志

伏龍山一名虎頭山在城北五里一名虎頭山府志膚施倚有伏龍山金史地理

志上郡之名山郡國志伏龍山在膚施狀如卧龍故名類書

牡丹山在縣西南四十里許名山記牡丹山在膚施名曰花園頭產

牡丹極多樵者以之為薪潛確類書相傳杜甫避亂時遊此賈志

卧虎山在府南十里以形似名府志

亞支山一名野豬峽在府南四十里又名野豬峽府志險窄可避兵南接甘

泉界縣志

琉璃山在縣東北八十里縣志在豐林縣北九十五里元和志豐林故城在縣

東

附考膚施縣有豐林山隋書地理志膚施縣有牢山唐書地理志○
按二山俱無考

清水即區水一名去斤在縣城東北自安塞縣南流入縣界又東入

延長界縣圖清水又東得龍尾水口又東會三湖水水出南山三湖

谷東北流入清水清水又東逕高奴縣合豐林水地理志謂之洧水故言高奴有洧水肥可難水上有肥可接取用之豐林川長津

瀉注北流會洧洧水又有谿谷水注之水西出奚川東南流入洧

水

水經注○高奴故城在縣北

膚施縣清水鮮卑謂之去斤水斤一作筋北自

金明縣界流入

元和志○金明縣今屬安塞

濯筋水在縣北二十九里又流入

豐林縣界耆老云昔尸昆王割身救鵠身肉並盡於此水中濯其

筋骨因名

寰宇記

膚施縣有濯筋水金志謂之濯巾水

九域志

延水在

府城東門外源出安塞縣蘆關嶺東南流入府境俗稱濯筋水

統志

自入境至虎頭峒合西小河水又逕縣東合杏子河水東流至

延長界計行二百八十里

縣冊○按西小河即安塞之小平川水又按此杏子河別是一水非保安之杏

子河也

金明川

一名西小河

在縣西北五里俗名西小河自安塞縣流來入延水

定痰泉水痰一作甲在縣東一里百二十步萬佛寺北山半崖其泉溫潔

流入延水雍勝畧以尸毘王割膚療之故名府志

南河水一名杏子河在城南門外源自甘泉野猪峽北流至城東入延水

賈志一名杏子河自亞支山流至郡城嘉嶺山下凡四十五里入延

水府志小河在縣南七里源出牡丹山東南流四十里入杏子河一

名牡丹川又名杜甫川以子美常居此故名縣冊

柳湖水在城南門外昔多種柳其上故名賈志種柳穿湖後延安盛

可遊宋范仲淹詩○按南河柳湖疑即古三湖水然無可考

牧龍川一名龍泉在縣東北五龍山下泉池蓋飲馬所也府志龍泉在土軍

城東南道左山下牧馬川多產名駒水經注龍泉在延州牧龍川多

產駿馬九域志五龍泉出山東一里平石縫雄吼甘美上有五龍堂

寰宇記城東兩山相夾處俗稱黑龍溝是谷幽處城市中蒼蒼冥冥

近之摸斷碣披蟲刻有雲根雨脉四字

趙廷錫黑龍祠序

烏耶谷水

在縣東

縣志

源出烏耶谷流入濯筋水

府志

清化水

一名潘陵川

在縣東四十里源出嘉泉東流入濯筋河

賈志

嘉泉在

豐林廢縣東北耆老云水湧出飛流一丈噴激可嘉

府志○一云此即谿谷水

自安定縣流入即潘陵川

縣志

惠民泉

在城南門瓮城內

府志

暖泉井

在府西北五十里泉有七孔其味甘美大寒衆泉皆凍惟

此流溢不減

雍勝畧

石油泉

在府南二十五里

府志

高奴縣石脂水水膩浮上如漆採膏

車及燃燈極明

酉陽雜俎

不流泉

在府東十里汲之不竭亦不流

府志

鷺峰泉 在城東北清涼山下泉脉出崖石中清冽可飲寺僧於懸

崖置轆轤垂繩八十餘尺汲之

雍勝畧

安塞縣

天澤山 在縣治東五十步其山土石相間上有天澤泉四時不竭

雍大畧 嶙峋挺峙遠瞰清流山上有翟王泉董翳所鑿又有惠民井

在山之坳處

縣志○按二泉今俱堙

金龍山在縣南門外又名龍吟山與天

澤山相連有石刻金明砦三字

府志

鳳凰山

一名北邙山

在縣西南二里

縣圖

形若舞鳳又名北邙山

縣志

龍安山

在縣西一里高數百丈狀如盤龍舊建龍安砦

雍大畧

靈臺山

靈一作雲又名石嘴山又名石峰山

在縣北五里俗呼石嘴山巨石高險勢如

削成

府志

一名石峰山一峰孤峙二水環流上建靈臺觀祠真武頗

多遊咏

縣志

青山

在縣北七里

縣志

幽谷清竒石磴盤紆中多洞穴為邑人避跡

之所

縣志

蘆關嶺

在縣北百五十里接靖邊界延水所出

府志

椒蒿山

在縣西北百餘里時有雲氣掘地多蝮蛇

縣志

獅子山

在縣西二十里以形似名上有報恩寺

雍勝畧

鳳頭山

在縣西五十里其相近有白晝山

縣志

摩雲山

在縣西六十里近西川

府志

巉巖高聳直逼雲霄

縣志

石門山

在縣西南百二十里兩山壁立如門洛水經其下又相近

為墨台山

府志

山色如墨不可耕作又馬超洞在洛河川相傳為馬

超所鑿

縣志

女洛峪

在縣西南百二十五里相傳室女坐化今有寺存

府志

三塏山

在縣西南百三十里即古敷政縣望山也

雍大記

在敷政縣

北一里其山土石相雜上有三冢遙望如塹因名寰宇記○數政故城在縣西南

洛水 在縣西北百二十里自保安界來東南逕縣西南入甘泉界

縣志洛河在敷政縣西七十里穿番部來至城下寰宇記洛水抵敷政

城下東過甘泉酈坊入白水境縣志○詳見圖考

清水即區水一名清水一名濯筋水又名延水在縣西北源出蘆關谷南流抵城下逕鳳

凰山會西川水又東南入膚施界縣志陰山西北百七十里曰申山

區水出焉而東流注於河山海經區水世謂之清水上郡東流入于

長城逕老人山下又東北流至老人谷水經金明縣有清水隋書地理

志○金明故城在縣北

西川水一名渾州川在縣西自保安縣黃花城牛頭坡東南流入與小平

川會賈志渾州川水在縣西二十里自閭門府來至縣西合濯筋水

縣志西川水至縣東南二十里合小平川入膚施界注於延水縣志

小平川

即龍尾水一名金明川

在縣西北縣圖龍尾水出北地神泉障北山龍尾

溪東南流注清水

水經注

一名金明川隋改置金明縣取此賈志自縣

北番部來十五里過縣西又南流入膚施界合延水

縣冊

背水

在縣北百五十里源出武家南塔東流至卧牛城三十里入

綏德州合於無定河

縣冊

塞門水在縣西北即圓水無定河之一也

賈志○按賈志以此為圓水誤

上龍湫

在縣西北百二十里又下龍湫在縣西南百里皆旱禱有

應

縣冊

黑龍泉

在縣北三十五里

縣冊

舐目泉

在縣西十五里元孝子王思聰噉水舐其母目水甚清冽

傍有湧泉寺

縣志

洗心泉

在縣西四十里山麓湧出清湛可鑒眉目邑人韓一識建

洗心精舍縣志

龍潭井 在縣西南百二十里潭深水清四時不竭禱雨輒應賈志

甘泉縣

伏陸山 在縣城內東北有阿伏斤谷其水出又潛流隱伏川陸故

號伏陸天寶元年改為甘川谷元和志唐置伏陸縣以此雍勝畧

文昌山一名鐘樓山在縣城東南又山之東為東岳山縣圖鐘樓山連峰嵯

峨上有文昌閣縣志

太崇山一作大山在縣西北一里許洛水西岸又相接者有白馬雙峰

縣圖

筆架山 在縣西南二里洛水西岸連太和山縣冊三峰秀拔如筆架

與文昌山對峙縣志

黑龍山 在縣東北二里又相近有雲陽山縣圖荒史循蜚記雲陽帝

都此府志

太白山 在縣北二里雄峙縣城有太白廟址志縣

大小勞山 在縣北二十里賈志甘泉縣有大小勞山宋狄青與夏人

相拒軍疲憊此因名香祖筆記大勞山在小勞山北五里縣志

馬超洞 在縣北四十里與安塞接界崇山峻嶺上有十餘石洞洛

水逕其下與青州城對峙道通邊塞相傳為馬超屯兵處縣志

野猪峽 在縣北四十五里與膚施縣亞支山接府志山有屯兵古戍

杏水出其下北流入延郡縣志

太和山 在縣西南五里一峰突起高聳孤立洛水經其下縣志

神林山 在縣西南二十里中有神祠雍勝畧連山包絡此山獨高於

諸峰下有龍湫禱雨輒應縣志

溫泉山 在縣南縣志山下有溫泉雍太

雕陰山

一名秦望山

在縣南二十里洛水西二百步山多土穴為鷹雕所

居又名秦望山

寰宇記

雕陰山在雕陰縣西南

應劭注

雕陰寒食足遊

人

唐韋莊詩

其相近有門限嶺

縣冊○雕陰故城在縣南

聖石巖

在縣東三十里

雍勝畧

清泉山

在縣東四十里林木叢茂山路崎嶇通臨真要徑

縣志

左家山

在縣東七十里

縣冊

空洞山

在縣東百七十里

縣冊

洛水

在縣西百步自安塞界流入逕縣西又東南入鄜州界

縣圖

泉縣有洛水

金史地理志

從馬超洞東南流十里至白洛院寺又三十

里至縣郭西逕太和山東又東南流四十五里逕舊撫安驛入鄜

界

縣冊○詳見圖考

野猪峽水

俗名北小河

在縣東北四十五里源出峽左逕蘇家河至大勞

山其水漸大阿伏斤水入此河俗名北小河西南入洛縣志

阿伏斤水 在縣東北三十里府志源出大盤山東南姚嶮谷流入洛

河寰宇記細流十里合北小河又二十里入洛縣志

臭水 在縣北十里泉色青黑微有臭氣人言其下有銅礦府志即北

小河傍出之水渟聚數小科不流縣志

龜川 在縣北一里突起圓峰似龜其水入洛縣志

煖泉水 在縣南三里其味甘美冬煖夏涼流至石橋入洛縣志

甘泉水 在縣西南五里出洛水西太和山巔近頗堙塞惟存細流

一綫入洛縣志在縣南崖谷上泉去地一丈飛流激射厥味甘美隋

煬帝遊此飲之取入禁內潛確類書泉水作飲饌盛暑不變唐天寶元

年縣名甘泉以此縣志

清泉水 在縣東四十里清泉山下其水清冽雖潦不濁流至板橋

溝三十里入洛縣志

麻洞川

即黑水一名庫利川一名臨真河一名汾川水

在縣東百二十里源出麻洞東南流

匯庫利水又東南入宜川界謂之汾川水縣志黑水出定陽縣西山

二源奇發同瀉一壑

東南流至其縣

水經注○定陽縣今屬宜川

庫利川在臨

真縣北十五里

寰宇記○臨真故城在縣東

麻洞川源出九峪溝至水匯庄又

至傅家灣合馬市川水又逕臨真城下入宜川境其馬市川在縣

東南百二十里水流細微東南入於麻洞川

縣志

安定縣

鳳翼山

在縣城西南為縣右輔自子午谷來蜿蜒東行數百里遂

折而西形似鳳翼又二郎山即鳳翼山之嶺上有二郎廟邑令朱

尚義更名曰錦屏又文筆山在東關城內一名文昌山西連錦屏

上建文昌閣山巔有塔故以文筆名

縣志

鵬山

在縣東門外河北相傳明成化中有大鵬棲其處又鍾山在

縣東二里即安定砦其下有石宮寺又冠山在縣河北一里山形

似冠故名

縣志

眉月山

在縣北六十里形似半月

縣志

五臺山

在縣北七十里五峰層疊上出重霄

縣志

高栢山

即橋山

在縣北八十里縣志上郡陽周縣橋山在南有黃帝塚

地理志

山有古栢故名

雍勝畧

懷寧河出此即漢志陽周縣南之橋山

秦二世賜蒙恬死處

縣志○按陽周故城在縣北九十里又水經注云走馬水出長城北陽周故城南橋山上

有黃帝冢則橋陵似當在縣境今陵在中部縣北

洞溜山

在縣北百里古木陰翳泉出崖石間邊境稱為幽勝

府志高

出衆山遠望如卧牛上有古砦

縣志

殄羗山

在縣西北七十里

縣志

殄羗砦地名那娘山元符元年賜名

宋史地理志

堡子山 在縣西二十里古為軍堡宋元豐四年曲珍敗夏人於此

縣志

祖師山 在縣西三十里守經峪內轟轟屹立俯視衆山上有真武

廟址縣志

黑龍山 在縣西三十里翠栢千章蔚然深秀周圍百餘里皆可望

見上有龍王廟鄉人禱雨處縣志

于岔山 在縣西五十里潛確類書

泰重嶺 在縣西南三十里高聳挿天縣志

鴉鴿山 在縣南四十里林木蔚然賈志山產鴉鴿二鳥並居亦鳥鼠

同穴之類潛確類書山下有靈湫禱雨輒應建有龍王廟縣志

神木山 在縣南六十里有古樹千株樵採不敢入人以為神潛確類書

雷公山在縣南六十里古栢森然上有雷神廟

縣志

蟠龍山

一名忠山

在縣南八十里蜿蜒起伏勢若龍蟠嶺上栢林蒼翠相

傳潘美墓在焉陳橋之變獨潘美俯首招其柱又名忠山以此

縣志

黑山

在縣東南四十里

縣圖

山形奇挺上有真武廟

縣志

楊家山

在縣東三里峰巒秀麗環拱如屏上有古塔廢

府志

灌清谷

在縣東三十里

縣冊

按縣志有九峪曰磨石峪曰黑狼

鶴嘴峪曰官羅峪曰守經峪曰張蹟峪麻池峪即縣西七里之麻池鶴嘴疑即灌清之訛守經峪在祖師山南餘所在之處俱未詳

木瓜峰

在縣東八十里

縣冊

懷寧河

即走馬水

在縣東北八十里源出高栢山逕栢山寺下又流入清

澗界

府志

走馬水出西南長城北陽周縣故城南橋山上有黃帝冢

其水東北流入長城昔段頰追羗出橋門至走馬水即此處也

水經

黑水河 在縣北百里自黑水堡東流至清澗界入懷寧河縣志

秀延水即辱水一名吐延水又名清澗水俗呼縣河又名北河在縣北門外源出安塞縣北王

家掌東流逕泰重嶺又東逕城北通城壕又東入清澗界謂之清

澗水縣志辱水出鳥山東流入於河山海經辱水俗謂之秀延水東流

得浣水口傍溪西轉窮溪即浣水之源也延水又東會於根水西

南溪下根水所發而東北注延水東南露跳水西出露溪東流又

東北入延水亂流注于河水經注○按浣水根水露跳水蓋即縣境之麻兒河等水及清澗之東西二河

延川之站川諸水也然未有明証不可考

麻兒河 在縣西發源泰重嶺西北東流入縣河縣志

于岔川 在縣西五十里出于岔山入北河縣志

黑牛川 在縣西四十里發源白廟岔東流入縣河雍勝畧

李家川 在縣南三十里東流入縣河縣志

革班堡川

在縣東北四十里南流至斜溪寺入縣河

縣志

寧塞川

在縣東北八十里至清澗界南入縣北河

縣志

白津川

在縣東七十里流入延川界

縣志

郝家川

在縣東南七十里流入延川界

縣志

縣東南藥家溝水源出

山下逕余家坪曰郝家川流五十里入延川縣為永平河

縣志

潘陵川

一名清化河

在縣南八十里發源縣之鴉鴿嶺南流入膚施界為

清化河又雷公川在縣南七十里流入潘陵河

縣志

縣南南塔水源

出山下逕白家坪為雷公川流七十里至盤龍鎮合縣南之雲山

寺水入於膚施縣清化河

縣志

麻池

在縣西七里峭壁臨流晨興見有烟氣即日雨農人以之為

驗縣志

黑龍泉

在縣西北百七十里龍州砦

縣志○按此今屬靖邊境

保安縣

候雨山一名官家山在縣西一里傍有石室天將雨則烟霧四起人以爲

候府志官家山在縣西一里元時撥學田於此雍大記獅峰在縣西南

城垣所依縣圖

唐毛山在縣西北近榆林寧塞營明時官軍敗於此縣冊

九吾山在縣西五十里上有湫旱禱輒應雍大記

金鼎山在縣西百二十里洛水中四面無依兀然孤起居民鑿石

爲塚穿石爲門以避寇亂接慶陽府安化縣界府志

三臺山在縣南四十里山從川起三峰高聳並峙府志

石樓臺山在縣南七十里洛水之隈奇峰突兀峭壁陡絕下臨重

淵土人築塞於此又於崖際鑿窰穴居之賈志北爲小石樓南爲大

石樓縣冊

馬頭山 在縣東南九十里形類馬首山高谷深松栢蒼翠有元

帝行宮

府志

艾蒿嶺 在縣東六十里卽子午嶺之分名也綿亘延慶兩府幾數

百里相傳呂布生於此有呂布窰賈志縣東六十里有響崖空谷中

時有聲

雍勝畧

洛水 在縣西百里自慶陽府安化縣流入又東南入安塞界縣志源

出合水縣白於山又流逕安化縣合白豹川入保安界賈志源出安

邊堡井鬼畔東南流入保安境安塞縣志在縣西古金湯城下流入安

塞縣

縣志○詳見圖考

馬步川 在縣西百三十里源自安化縣東流入洛雍勝畧○按此卽白豹川

州川水 在縣西百里源自沙漠來至石溝門入洛水縣志

吃莫河 在縣西六十里自靖邊界流入縣志在保安軍北十里源出

番部吃莫川南流經軍城西六十里入洛河不勝船筏寰宇記○宋保安軍

即今治

周水 在縣城西源出靖邊縣飲馬坡流至縣東南入洛縣冊

阿姑泉水 在縣北十里相傳何氏女化為神崖下有清泉祈嗣者

禱而飲之即應縣志其水西南流入周水縣冊

三岔溝水 在縣北西南流入周水縣冊

西陽溝水 在縣西南二里流十里入周水縣冊

紫馬溝水 在縣西南相傳三國時牧馬於此水漲則注於吃莫河

縣冊

空籠溝水 在縣南十里流四十里入周水縣冊

園林川 一名杏子河一名東川又名響崖川在縣東八十里一名杏子河又名東川水

源出牛頭坡至縣東六十里為響崖川南流入安塞界為西川水

縣

東川水流逕園林驛入安塞縣合延水府志

混牛湫

在縣北八十里

縣志

三郎泉

在縣東南三里

縣志

石井泉

在縣東四十里又勃海泉在縣東九十里

縣志

宜川縣

七郎山

在縣城西南三峰鼎峙壁立千仞相傳宋將楊業之子七

郎屯兵處

縣志

縣城主山上有石洞建達觀樓

府志

文峰山

在縣南城外

府志

上有石塔邑令趙時雍建

縣志

鳳翅山

在縣河東上有石臺寺大佛閣

縣志

在縣南縣解宇在其上

寰宇記

形如鳳翅故名山岔有渾城廟

雍州志

虎頭山

在縣北二里形似虎頭赤石銀川二水會于其下又縣西

北三里有公字山山形象公字

縣志

石閣山一名高山在縣北九十里今呼為高山聳峙特立俯視羣山下瞰

黃河上有古寨府志在雲巖縣東北三十五里丹延兩州界形似樓

閣寰宇記○雲岩故城在縣北

雲巖山在縣西北八十里魏雲巖縣以此名縣志在雲巖縣東十里

山形重叠如雲寰宇記宜川縣有雲巖山金史地理志

庫利山在縣西北百里雲巖西與舊臨真縣相接縣志臨真縣有庫

利山金史地理志○臨真縣今屬甘泉界庫利山在宜川縣界明一統志

丹陽山在縣西南縣圖丹水出丹陽山水經注臨真縣有丹陽山魏書地形

志丹巖山上有仙人煉丹爐雍勝畧丹陽山一名丹巖山即縣之面

南山也脉自洛川界牌山來為邑主山縣志

晉祠山祠一作師在縣西南百里與鄜州接界昔晉文公駐師于此賈志

壓石山在縣南九十里縣志

八郎山 在縣東南九十里臨黃河縣冊高峻險絕與韓城縣接界有

廟祀八郎神府志

盤古山 在縣東南百二十里古碣剝落難曉俯視萬山傳為盤古

氏卜婚處賈志山勢紆迴翼帶河濱縣冊

牡丹原 在縣東二十五里盛產牡丹故名雍勝畧在秋林鎮東山上

牡丹滿山土人採以為薪府志

壽峰 在縣東八十里高秀奇險有石寨府志

蟒頭山 在縣東百二十里縣冊山聳起如蟒頭人曾於迅雷濃霧中

隱見有龍每春暮桃花與松栢相間府志

安樂山 在縣東北七十里高樹嶺東一抹平原忽起孤峰秀入雲

表上有真武廟縣冊山在宜川相傳昔時屯兵於此主帥令唱安樂

詞以慰其意故名九域志

殺狗嶺 在縣東北九十里縣圖在汾川縣西寰宇記

孟門山 在縣東北百十里與山西吉州接界黃河中流大石橫亘

數百步河水分流俯視如門禹鑿石導流之處又石湓在水南村

黃河中遠望橫崖數百丈其形壁立水氣噴薄如霧人不能近土

人呼為湓口縣冊龍門未闢呂梁未鑿河出孟門之上大溢逆流名

曰洪水大禹疏通謂之孟門呂氏春秋北登孟門九河之磴穆天子傳孟門

即龍門之上口也實謂黃河之巨阨此石經始禹鑿河中激廣夾

岸崇深傾崖返捍巨石臨危若墜復倚其中水流交衝素氣雲浮

往來遙觀者窺深悸魄懸流千丈渾洪最怒濤波頽疊迄于下口

方知慎子下龍門流駛竹箭非駟馬之追也水經注在汾川縣東南

二十里寰宇記○汾川故城在縣東北在宜川縣東北石湓下三里明一統志西直宜

川縣與韓城之龍門相對在黃河中長七十餘尺禹貢錐指

重覆山

在縣東北百四十里

縣

門山縣北有山其形似門

元和志門山

故城在縣北

在門山縣東二十七里山形重叠故名

寰宇記

附考

豐林山周迴二十三里兩山相夾林木茂盛百獸叢雜

雍勝畧○按此

山無考今豐林故城在膚施則山疑亦在膚施境也

黃河

在縣東百里北由延川界逕本縣南至龍門入韓城界東岸

卽大寧永和吉州鄉寧等地中有壺口孟門卽禹貢所謂既載壺

口也

縣志

河水又南右會區水又南合黑水又南過北屈縣西其南

爲孟門山又南得鯉魚又南合赤水水出西北罷谷川東謂之赤

石川東入于河河水又南合蒲水又南合丹水又南合黑水水西

出丹山東北入於河河水又南洛水自獵山枝分東派東南注于

河河水又南出龍門口

水經注○北屈縣今屬吉州按西出丹山之黑水與獵山之洛水今俱無考

黃

河在門山縣東三十五里又在汾川縣東七里河岸頓狹狀似槽

形鄉人呼為石槽蓋禹治水鑿石導河之處石槽長一千步濶三

十步懸水奔流鼃鼃魚鼃所不能游元和志黃河自延川界來至本

縣馮家圪入境又南至流源頭入韓城界計經縣境三百餘里縣圖

○詳見圖考

清水一名岔界河在縣東北百二十里自延長界來東流入黃河縣圖清水

自合消水又東注于河水經注渭牙川在雲巖縣北二十五里從延

長界來五十里入門山縣界川內有水木稽胡呼水木為渭牙因

名寰宇記門山縣有渭牙川金史地理志澤徑水在縣東北百二十里東

流入黃河府志岔界河由府城東流逕延長縣入本縣平樂里界歷

豐慶安仁平安三里地方名岔界河計一百五十餘里兩岸皆石

河道逼窄過渡甚險縣志○按澤徑水即渭牙川也疑當別有一水乃今皆以清水指為澤徑水矣

汾川水即黑水一名庫利一名雲岩河在縣北八十里府志黑水源出定陽縣西山

二源奇發同瀉一壑東南流逕其縣北又東南流合定水定水俗

謂之白水出定陽縣南山定水谷又逕定陽縣故城南又東注于

黑水亂流東南入於河

水經注○定陽故城在縣西北

雲巖縣有庫利川在縣郭

南昔有賊居此川內稽胡呼為庫利因名

元和志

汾川源出甘泉縣

界逕本縣雲巖安富汾川等里行一百七十里東流入黃河

縣冊

仕望川

在縣西北四十里源出甘泉縣東境東流過平路堡又東

合於銀川又庫碣水在縣西北二十里川南為漢北為蕃其人于

川內共締香火故呼香火為庫碣

府志

仕望川源出甘泉界之鐘樓

寺山流至本縣加陽里與赤石銀川二水合

縣圖

銀川水

今名西

在縣西一里圍繞縣城北流合城南河

雍勝畧

源出鄜

州晉師山流逕縣西北城外又逕縣東與赤石川合又喬家河在

縣東北合于銀川

縣冊○按喬家河當即仕望川之別名

丹陽水

水即丹

在縣西南

府志

蒲水兩源並發俱導一山出西河陰山縣

陰山東麓南又東北與長松水合水出西三陽山東東北流入蒲

水蒲水又東北與北溪會東北注河丹水出丹陽山東北逕丹陽

城東又東北合白水口又東入河

水經注○丹陽城即今縣陰山縣無考

西魏置丹

州因丹陽川為名

元和志

蒲川水自鄜州洛川縣流入丹陽川

寰宇記

丹陽水源出洛川界牌山逕菩薩寺至付曲村與赤石川合又遶

城東北二門至虎頭山下合銀川水又下合仕望川水逕固城加

陽康寧等里東入於河計流縣境百七十里

縣冊

南川水

一名赤石川

在縣城東

縣圖

赤石川今名南川水源出神道嶺至本

縣付曲村合丹陽水流逕縣之東北二門與仕望銀川二水合

縣冊

○按南川今皆以為即赤石川然元和志云丹州唐移于赤石川

口寰宇記云赤水川在縣西北二里從臨真縣流入則赤石川當

即今之仕望川非南川水也故寧存疑不敢強合

白水川

在縣東南百二十里

縣圖

在白水里以水色偏白名中有小

蟹源出韓城硃砂嶺東流入黃河

府志○按白水今在丹水之下入河恐非水經注之白水

河清川

在縣東南百三十里水至澄清雖淋漓不渣縣志源出韓城

硃砂嶺東北流入黃河

府志

聖馬溝

在縣北九十里相傳有唐太宗乘馬遺跡府志

玉蓮池

在縣北池廣千頃為一方之勝今堙

府志

聖惠泉

在縣河東鳳翅山渾藏祠下泉極甘美深二三丈龍常吸

水其中旱禱有應且能療疾又有石臺泉在鳳翅山石臺寺大佛

閣右水至甘冽

府志

甘泉

在縣西十五里

縣志

延川縣

小峰山

一名太和山

在縣東一里又名太和山城跨山麓縣志

西山 在縣西一里舊為烽堠之所賈志

青眉山 在縣西北七十里府志後魏時有吐蕃青眉族居此寰宇記

玉皇山 在縣西北八十里賈志

官道山 在縣西四十里山下為孔道又相近有梁家山縣志

蒿岔峪 在縣西六十里縣志

鑿子山 在縣西七十里又相近有禪梯嶺為縣境扼吭要口中有

石洞縣志

窪山 在縣南百里上有聖水泉旱禱即應雍勝畧

黃河 在縣東七十里自清澗縣流入與山西永和縣分界又南入

宜川界縣志河水又南右納辱水又南過高奴縣東右會區水水經注

延川在漢亦屬高奴地黃河在延水縣東八里元和志○唐延川縣有黃

河九域志○
詳見圖考

秀延水

即辱水一名清澗水又名吐延水今俗名縣河

在縣東城下

府志

秀延水東會根水又

東南會露跳水亂流注於河

水經注

縣有吐延水北自綏德縣流入

元和志○綏德縣今屬清澗

自清澗縣南流入逕縣東北至永寧關入黃河又

有紫溝社樹坪溝俱在縣西北王家溝唐家岔溝皆在縣西土谷

岔溝滔水川皆在縣北柏岔溝五龍川皆在縣東北王林溝沙泉

溝皆在縣南俱流入清澗水

縣志

永平川

在縣西八十里

府志

源出安定界黑山逕寒沙寨永平鎮又

逕寺村馬家坪東流一百十五里入縣河又有樓兒河亦自安定

界東流逕石窰村馬家灣合於永平河

縣志○按永平川即安定之郝家川樓兒河即安定

之白津

川也

站川水

在縣北一里源出禪梯嶺東流逕文安驛又東入清澗水

又小瞿唐在縣西五里南為岡北為碯中有石澗甚隘水流湍急

名爲小瞿唐雲間張文藻鐫山水奇處四字於石

縣志

南河 在縣南自官道山東流又逕通濟橋楊家壩入縣河

縣圖

高家原水 在縣南自縣西南流逕槐樹坪又東流逕稍道河入縣

河

縣圖

骨胡川 一名乾川 延水縣有骨胡川亦自綏德縣流入四十里入黃河古

老云番名骨胡川漢名乾川今無水

寰宇記

響水潭 在縣南二里俗傳夏王葬潭底上建夏王廟有遺址邑人

旱禱詣潭取水

縣志

石油井 在縣西北八十里永平邨井出石油可燃燈

元一統志

延川縣

井出石油每歲六月取之塗已瘡疾

潛確類書

其地名石油溝

縣志

五龍泉 在縣東南

縣冊

延長縣

錦屏山

一名翠屏山

在縣南一里四時花木蒼翠構有寺廟樓閣望如錦

屏故名

名山記

高聳秀麗形如屏

潛確類書

漱玉崖在縣

東一里崖下有泉聲如漱玉
軒豁可容百人泉出如練其下

為鴛鴦渚縈迴曲折翠蒲綠萍映帶如畫

府志

高奴山

在縣城北

縣圖

崔嵬峻險山頂平行上有古寨

雍勝畧

九連山

在縣西十五里九峰相接不斷故名

雍勝畧

盤龍山

在縣西五十里平青鋪懸崖峭絕延水環其下山有盤龍

寺又花石崖在縣西七十里千谷驛西懸崖聳出玲瓏奇巧觀者

比之太湖

縣志

石跋山

在縣南五十里

縣志

姑姑山

在縣南七十里與宜川接界綿數十里人烟絕少行客咸

備昔設防兵守之

縣志

鳳凰山 在縣東三十里延水西遶其下府志

獨戰山 在縣東六十里有廟相傳古時戰鬪收人首數十萬於此

山因置廟祀之寰宇記○按獨異志赫連勃勃殺人積其頭為京觀謂之獨戰臺或即此也

獨戰山 在縣東北四十里縣志延長縣有獨戰山金史地理志其山險峻

一人拒守可以當千交口川遶之潛確類書

交口川 在縣東北六十里源出縣西北東流經獨戰山下入延川

界縣冊

清水即區水一名翟水一名去斤水一名濯筋水一名朝陽水又名延水在縣南自膚施縣流入又至

縣東八十里白家河流入宜川界縣圖唐移縣於去斤水元和志唐移

縣就濯筋川寰宇記延長縣有濯巾水金史地理志自膚施盤曲而來經

縣南流入黃河一名翟水即濯筋河也又縣西石磴矗起盤折流

向西門後人鑿石通水建永逸橋謂之朝陽水縣志

關子口川

在縣西南五十里

縣志

發源甘泉界之楊師婆溝至槐林

坪四十里許入延水

縣志

井溝水

在縣治後流一里至城南入濯筋河

縣志

鑿井供縣汲取餘

流穿城入延水

縣志

城東河

在縣東源出漱玉巖稍東南為鴛鴦渚又東南入延水

縣志

安溝河

在縣南三十里源出岔口經安溝至棗林鎮入延水

縣志

惠民泉

在縣城內儒學後自三石穴流出清冽甘美注入學池

縣志

石油井

在縣南錦屏山下

舊志

近河有鑿開石井其油可燃兼治大

畜疥癬

元一統志

鳳翔府鳳翔縣

雍山

在縣西北三十里

明一統志

雍水出雍山

水經注

四面積高曰雍在

春秋為雍邑蓋因山得名

府志

秦漢以此名縣又地神廟山每雨多

於此發之廟在山麓廢不敢修相傳廟建則旱或曰卽雍山縣志

黃花谷 在縣北二十里府志

鷄冠山 在縣北三十里以形似名縣志

展誥山 在縣城西北縣志

迴龍山 在縣西北二十里落城村縣志

靈山一名靈鷲山在縣西二十五里一名靈鷲山其相近有彭祖原縣志

五里坡 在縣西四十里宋建炎三年隴右督護張嚴追擊金將婁

室遇伏發戰沒於此府志宋置五里鎮其地與汧陽接界縣志

西平原 在縣西南三十里接寶鷄界縣志○詳見寶鷄縣

五時原 在縣南二十里縣志雍縣有五時漢書地理志○雍五時祠縣志

以上祠祀五帝水經注

紫荊山 在縣東北十五里府志

杜陽山 在縣東北二十五里杜水所出雍勝畧故雍縣有杜陽山北

有杜陽谷有地穴北入不知所極在天柱山南水經注鳳翔倚有杜

陽山金史地理志其麓有老君坡明一統志唐岐州刺史柴紹破突厥於杜

陽谷卽此縣志

汧水一名汧陽河在縣西三十里河之西卽寶鷄界縣志自汧陽縣流入縣圖

雍水一名中牢水又名米井水又名淬空水在縣南又東南流入岐山界縣圖雍水出雍

山東南流歷中牢溪世謂之中牢水亦曰氷井水南流逕胡城東

而左會左陽水又與東水合世亦名之爲淬空水又東流鄧公泉

注之水經注雍水源出縣西北平地寰宇記

返眼泉水卽東水在縣西北三十里縣志東水北出河桃谷南流右會南

源世謂之返眼泉亂流南逕岐州城東而南合雍水州居二水之

中南則兩川之交會也水經注岐州故城在縣南泉出似人返眼故名源出

雍山下卽雍水上源也

府志○按府志以返眼泉爲上源頗與水經不合

七里河 在縣西七里源出泉浦村其水漸大東南過岐入渭又白

雞河源出縣西北五里環流東南入於七里河又曲家河在縣北

源出縣北三十五里甯家溝其水聲可驗陰晴今皆無水

縣志

東湖水

在縣東門外宋蘇軾官鳳翔時八觀之一也

縣志

其水南流

入雍水

縣圖

塔寺水

卽左陽水一名西水

在縣東二里

縣圖

左陽水世名之西水北出左陽溪

南流逕岐州城西又南流注於雍水

水經注

左陽水行十里至西平

伏不見伏三十里至三分復出東流合於塔寺河

縣志

塔寺河在城

東從西來轉南達於雍水又鳳凰泉在城西北遶城而流南合於

塔寺河

府志

鄧水

卽鄧公泉

在城北十里合塔寺水入渭

府志

水出鄧艾祠北故名曰鄧

公泉數源俱發逕雍縣城南又東流注於雍水

水經注

橫水

一名小橫水一名杜陽川又名夜叉河

在縣東三十里

明一統志

杜水出杜陽山其水

南流謂之杜陽川又東南流左會漆水俗謂之小橫水

水經注

俗呼

為夜叉河

府志

東南流入岐山界

縣圖

飲馬池

在城南七里舊相傳為秦穆公飲馬處有一凹俗云六十

年有水六十年無水視岐山卷阿之水為往來謂之南凹

縣志

橐泉

在縣內東南隅其泉注水不盈旋盈旋涸有似無底故名橐

泉

縣志

雍縣有橐泉宮

漢書地理志

忠孝井

在府治東文昌宮內

明一統志

今改為分守道井堙

府志

謙泉

在東關通津門外泉甘可飲盈而不溢有似乎謙故名

縣志

玉泉

一在城西三里一在城北三十里牛鉢峪上有玉泉寺旱禱

輒應又名觀音湫今俱堙

縣志

靈泉

在城東北十里普門寺前

明一統志

虎跑泉

一名金沙泉

在城東北十五里

名山記

金沙泉湧雪濤香洒作醍醐

大地京

宋蘇軾詩

在大像寺前一名金沙泉

賈志

岐山縣

岐山

一名天柱山一名箭括嶺

在縣東北五十里

府志

導沂及岐

書經禹貢

岐在雍州

孔傳

岐在右扶風美陽縣西北

孔疏○美陽縣今屬扶風

率西水潄至于岐下

詩經大雅

周之興也鸞鸞鳴於岐山

國語

成有岐陽之蒐

左傳

岐山九山之一也

呂氏春秋

岐山在美陽縣西北中水鄉周太王所邑

漢書地理志

小橫水歷

周原下水北即岐山

水經注

岐山縣有岐山

隋書地理志

其山兩岐俗呼

為箭括嶺

顏師古注

關內道名山曰岐山

唐六典

岐山一名天柱山

括地志

岐山時人亦謂之鳳凰堆或曰其峰高峻迥出諸山狀若天柱故

以為名

寰宇記

箭括山在縣東北六十里與麟遊接界又山之西為

三龍山後周以此名縣

縣志○三龍故城在縣東北

書卷山

在縣北十里駱駝巷口其山層疊秀麗有似書卷故名

縣志

鳳凰山

在縣北十五里周公廟後卽鳳鳴處石上有爪跡其山出

五色土

府志

山之下有朝陽洞在周公廟東又張仙洞相傳張三丰

曾寓此在廟西又鳳山洞在張仙洞南

縣志

五將山

五一

在縣北五十里一名武將山後秦苻堅爲慕容冲所逼

奔五將山卽此

府志

山接麟遊界

縣志

石橋山

在縣西南五十里接寶雞界

府志

令狐坡

一名渭陽坡

在縣南二十里一名渭陽坡其下卽蓮花灣又縣南

二十五里有永樂洞其下有珍珠泉一在洞前泉水清澈如珠迸

出深丈許一在令狐庵

府志

三刀嶺

在縣南三十里其相近有田家坡卽蔡家坡

縣志

五丈原 在縣南五十里接郿縣界縣志○詳見郿縣平陽縣有五丈原魏書

地形志○平陽故城在縣西南在斜峪口諸葛亮遣孟談據五丈原即此雍大原

之西有白玉嶺府志

石樓山 在縣南五十里接寶鷄界山形如樓閣故名上有龍湫禱

雨輒應縣志

奧山 在縣南八十里太白山西山麓有勾泉洞其右有瀑布泉縣志

青峰山 在縣南百五十里峰巒蒼翠接寶鷄界賈志又有五星坡嶺

在桃川西界八里漫嶺在桃川東界縣志

龍尾坡 在縣東二十里唐鄭畋破黃巢兵處雍大記唐武德七年移

縣治於此縣志

周原 在縣東北四十里周太王營邑處雍勝畧周原膺膺詩經大雅周原

漆沮之間也毛氏傳周原者岐山陽地屬杜陽地形險阻原田肥美

詩譜。杜陽縣今屬麟遊

岐山下有周原上置城周原膺膺然肥美也

史記周正義

城南有周原

帝王世紀

小橫水自周城歷周原下

水經注

岐山之南周原

在焉東西橫亘肥美寬平

禹貢錐指

崛山

一名耆閭山

在縣東北四十里

元志

崛山

多石穴唐時建耆閭崛山寺山之中有金仙洞前有臥佛一軀其

後有滴泉盈而不溢山之後有石塤嶺又洞之東十里有景陽洞

前有閣後有流泉

縣志。按水經注西域波麗國有耆閭崛山兩峰雙立相去二里鷺鳥常居其嶺是山之名

蓋擬此也

渭水

在縣南四十里自寶雞界流入又東入郿縣界

縣圖

渭水自合

磻谿水又東逕石原南又東逕五丈原北又東至郿縣

水經注。詳見圖考

白玉溝水

在縣南五十里渭南小水也源出五丈原西涼廬山下

北流入渭

縣志

谷河即斜水一名桃川一名石頭河在縣南自褒城界流入又東北至郿縣界入

渭縣圖褒水通沔斜水通渭褒之絕水至斜間百餘里史記河渠書斜水

出衙嶺山與褒水同源而派分括地志桃川在縣南百五十里其水

出大山中流為斜谷水逕太白峽斜谷關北流入渭一名石頭河

又青峰澗水在縣南百五十里桃川西朱石澗水在縣南百十里

俱在斜谷關內繚曲四十里許北流入渭縣志

雍水一名樹亭川俗名雍河又名後河又名交河在縣南十里自鳳翔界流入又東入扶

風界縣圖雍水自合鄧公泉又東逕邵亭南世謂之樹亭川蓋邵樹

聲相近而誤耳又東南流與杜水合水經注睢河一名後河東流合

於潢河縣志○按圖即雍水也

橫水即杜水一名小潢水一名來流川一名岐水一名雙溪在縣南三里自鳳

翔界流入合雍水縣圖杜水東南流合漆岐二水俗謂之小橫水亦

或名之米流川逕岐山而又逕周城南又歷周原下自下亦名

岐水又東逕姜氏城南為姜水與雍水合水經注○周岐山縣有城在縣東北

姜水九域志潢河一名水由河自鳳翔界流來合潤德泉水又逕縣

西有南寺溝水自寶相寺南流入之又入畝溝水自縣城北來流

入之潢河又東南流會濰河為交河亦名雙溪縣志○按潢河即橫水蓋亦以木而

訛水也

潤德泉水一作德潤又在縣西北十五里周公廟後即古卷阿也相

傳世治則泉出否則竭府志唐大中元年十月大風忽作飛泉噴湧

節度使崔珙上其事褒賜今名又流逕縣西七里為佛兒溝縣志

泔水一名白水在縣東又東南合雍水流入扶風界縣圖關中有泔渠

泔水漢書溝泔水出泔谷如淳注水源出縣東北六里泔谷東寰宇記泔水

一名白水亦名圍川唐以此名縣又魯班溝水在縣東十里龍尾

溝水在縣東二十里麻葉溝水在縣東二十五里俱有小水南流

入交河縣志。按寰宇記則漳水出于縣境常卽魯班溝諸水乃今皆直指雍水爲漳水矣

岐水一名藥水在縣北源出麟遊縣普潤里東南流入漆水一名藥水府志

鰲川在縣北三十里縣志。按此疑卽漆水

仰天池 在縣西北周公廟後山上又縣南有不溢池引潤德泉注

之久而不溢明一統志

附考縣境有麟川鳳川虎溪並見石刻府志。按三水今皆無考疑

川斜谷水自鳳縣來者爲鳳川也

扶風縣

吳雙山 在縣北五十里四峰挿入雲表山陰屬麟遊界賈志。詳見麟遊縣

義會山 在縣西北十里賈志

飴原 在縣西北十五里詩所稱周原膺膺莖荼如飴者也縣志。按此卽

岐山之周原

美山 在縣西北五十里山產奇石青紺嵌空比於靈壁美水出於

此縣志

飛鳳山 在縣南一里漳川之南形如飛鳳有漢伏波將軍廟雍勝畧

山頂有亭曰遠愛宋蘇軾書名勝志

賢山 在縣南二十里相傳為昔賢隱處洞跡尚存賈志蹊徑幽奇峰

巒峻秀對挹南山遠臨渭水縣志

三時原 在縣南二十里東連武功界雍勝畧秦文公作鄜時宣公作

密時靈公作吳陽上時史記封禪書今阡隴彌望去古既遠畧無遺跡

雍大記卽耿弇所封地縣志

茂陵山陵一作林在縣東三十里府志林壑秀美賈志相傳為漢威侯馬超故

居舊有廟今廢縣志

明月山 在縣東北五十里白石燦爛夜有光如月賈志山壑有清風

洞洞口徑尺許風聲常吼其深莫測山之東接乾州界縣志亦見乾州

梁山 在縣東北六十里東接乾州界縣志詳見乾州

渭水 在縣南二十里自岐山郿縣界流入又東入武功界縣圖扶風

縣有渭水九域志詳見圖考

雍水 一名漳川在縣南門外自岐山界流入又東入武功界縣冊雍水

自合姜水又東逕美陽縣之中亭川水經注美陽故城在縣北漳川縣以縣

南漳水為名元和志唐漳川縣即今治漳水一名白水即雍水城數患水勢

衝激明知縣黃鉉築隄植柳以障之今柳伐盡隄尚存縣志

時溝河俗名漆水在縣東十步府志漆水一名時溝河南流與漳水合賈志漆

水西北從岐來詩云自土沮漆是也縣志漆水源出縣西北五十里

自岐山界龍泉寺流來至縣東門外合漳水縣冊按此水入雍水與麟遊入小橫水

之漆水別爲一水
縣志引詩疑誤

美水

店溝一名浪

在縣東十五里一名浪店溝源出美山逕美陽故城又

至縣東浪店南入漳水又石槽澗在縣北鳳泉西兩山壁立古栢

從石罅中出狀如虬龍其下爲石澗波濤激激縣志泰川水在縣東

北二十五里源出呂寨之溫泉隆冬不冰府志其水南流合於美水

縣志

萬楊池

在縣西二十里

府志

其水自岐山之麓伏流至此池邊舊有

楊柳萬株望之蔚然今無

賈志

龍泉

在縣西北三十里其泉有九亦禱雨之處

縣志

信義泉

在縣東二十里信義村東渠中形如盆口隨汲隨盈不汲

亦不溢其水甘冽

縣志

鳳泉

在縣東北五十里

縣志

在明月山西相傳文王時鳳鳴岐山曾

飲於此雍勝略泉在天度鎮北十里其泉為瀦水時或溢出檻外已

復縮入有禱輒應人稱靈異又明月山陰有水碗泉在鳳泉之後

水自石罅下注於石其形如碗故名又馬泉在鳳泉東十里縣志

郿縣

太白山 在縣東南四十里舊在武功縣南境今屬郿縣雍勝略郿縣

有太白山唐書地理志
○詳見圖考

熨斗山 在縣西北十里北原之上縣志

積石原一名北原在縣西北二十五里元和志渭水東逕石原即北原也水經

注郿縣有東積石原西積石原通典原在縣西渭水北原也南距五

丈原二十五里即諸葛亮與司馬懿會戰處縣志原接岐山縣界縣冊

○按府志云在縣西南五里誤

響瑞坡 在縣西十里人行則有聲故名府志

馬鞍山

即馬冢一名馬嶺山

在縣西南十五里紅崖頭一名馬嶺山縣志渭水東

逕馬冢北

水經注

馬冢在武功東十餘里有高勢

諸葛亮與步騭書○按明一統志衙

嶺山在縣西南十五里俗呼馬鞍山今考馬鞍山嶺即馬冢之訛若衙嶺山在褒城界去此尚遠據水經不應渭水經其地也

五丈原

在縣西南二十五里

元和志

渭水逕五丈原北又斜水逕五

丈原東諸葛亮與步騭書曰僕前軍在五丈原原在武功西十餘

里

水經注

郿縣有五丈原

隋書地理志

呂祉曰原高平廣遠行軍者必爭

之地

地理通釋

在斜谷口即諸葛亮駐師伐魏處

名山記

原接岐山界渭

水南原也有蘭坑膏腴可田

縣志

斜谷

在縣西南三十里

縣志

棧道千里惟褒斜綰轂其口

史記貨殖傳

右

界褒斜

西都賦

秦宓曰三泉乘祗車出谷口今之斜谷是也

三國蜀志秦宓

傳

褒斜在長安西南南口褒北口斜長四百七十里曹操謂為五

百石穴

西京賦注

正始四年開斜谷舊道

後魏武帝紀

平陽縣有斜谷

魏書地形

志○平陽縣今屬岐山界斜谷在郿縣南谷中皆穴山架木而行蜀鑑郿縣城亦

曰斜城城南當斜谷因以為名郿縣志入谷口二百二十里抵鳳縣

西出連雲棧復一百五十里出谷口抵褒城兩崖高峻谷中水南

北分流即褒水斜水也又郿閣在斜谷口蓋諸葛亮欲伐魏用流

馬轉運谷中故先治郿閣於此後人因建懷賢閣縣志

秦王嶺 在縣東十里許其稍西曰小秦王嶺有石表曰東西嶺堠

舊傳唐太宗居藩時屯牧於此又或謂為秦文公營邑處皆無據

按晉載記苻健據關中嘗稱大單于秦王傳至登破姚萇於馬頭

原後萇又滅登亦自稱秦王則郿固二秦戰場也嶺蓋以此得名

今清湫堡南亦曰馬頭原縣志

渭水 在縣北三里自岐山界流入與扶風接界又東入盩厔界縣圖

渭水東逕石原又逕五丈原北又東逕郿縣故城南又東逕武功

縣北斜水自南注之又東逕馬家北又逕武功縣故城北又東合

雍水

水經注

渭河自入縣界逕西磴汶家村又逕縣北東流過槐芽

鎮柿林里至龍舞屯凡流七十五里出縣界

縣志圖考

斜谷河

一名武功水

在縣西南三十里與岐山縣接界

府志

武功縣斜水出

衙嶺山北至郿入渭

漢書地理志

斜水出武功縣西南衙嶺山北歷斜

谷逕五丈原東以出武功縣亦謂之武功水其水北流注於渭

水經

注斜谷河分導縣境者曰清水河逕馬鞍山循紅崖東北流二十

里入渭源微而委緩清澈可鑒故名其東導一派曰磨渠河逕景

家橋與蒼龍谷水合亦曰蒼谷水南自蒼谷北抵官村庵逕老虎

溝東入乾溝河以在城南亦名南河

縣志

乾溝河

一名五谷水

在縣東五里源出桐谷北流入渭

府志

乾溝河其源有

五一名五谷水一曰磨石谷水出滴水崖合并索谷水水出觀音

池逕曲兀堡合萬戶谷水又逕西梁閣合桐谷水稍東又合駱谷水自西南抵東北逕洪寺合流紆曲四十餘里雨澇時五谷水皆會旱則絕流故名乾溝縣志○按此駱谷別是一水非盤界之洛谷水也

赤谷水

一名清湫河一名紅河一名太白峽水一名瀑布泉

在縣東二十五里

賈源出太白山

逕黑峪至縣東又北流入渭

府志

駱谷之東有赤谷水俗呼紅河源

出太白湫名太白峽水自山巖噴飛而下類瀑布又名瀑布泉出

谷分三派其逕河底注渭者曰洪溝河又名甯曲河其逕第二坡

由教坊注渭者曰教坊河其逕馬頭原清湫里者曰清湫河北流

二十里入渭又有黑谷水在赤谷水東出於滴水崖在南山寨坪

坪下有潭清澈見底再南即四嘴山有白馬仰天池或曰即谷水

之源也北流七里逕田家法泥嘴又九里逕鷄心溝為大棧

谷又東過呂家寨北入於渭

山河

一名槐芽泉

在縣東三十里清涼河東

縣志

源發太白湫出潭谷口流

二十餘里為槐芽泉其水滿溢西流注於渭

縣志

湯谷河

即溫泉一名鳳泉湯又名魚龍泉

在縣東五十里

雍勝界

郿縣有鳳泉湯

唐書地理

志隋唐之鳳泉縣以此名

潛確類書○鳳泉故城在縣東

溫泉在太白山下一名

鳳泉湯

明一統志

鳳泉湯為隋唐勝蹟其南有魚洞歲穀雨先有金鯽

浮游少焉大魚湧出不竭三日乃止有鱗鬣異常者亦名魚龍泉

其水出碌砣崖逕鍾呂坪出谷口循立坂北流二十五里入渭以

源發湯谷故又名湯谷河

縣志

兩谷河

一名沙河在縣東

縣圖大振谷水俗稱仙人峽水在湯谷東源出燕

子窩北流二十里至睡佛寺與韋谷水合名為兩谷河河有怪石

多沙又名沙河北流二十里至太白廟入渭其韋谷水俗訛為泥

谷源出掃帚嶺北流合大振谷水入渭

縣志○韋谷水掃帚嶺亦見盤屋縣

蓮花灣 在縣南入山五十里相傳生五色蓮花風動香聞數十里

今不復見府志

荷池 在縣東北十里明一統志

紅崖泉 在縣西五里縣志

一碗泉 在縣西南十里縣志

寶鷄縣

陳倉山 一名寶鷄山 又名鷄峯 在縣東南四十里一名鷄峯山雍大記 秦文公十

九年得陳寶於陳倉北坂史記封禪書 陳倉縣有陳倉山山上有寶鷄

鳴祠 水經注曰陳倉故城在縣東 山在縣南十里南接梁鳳二州界元和志 寶鷄

縣有寶鷄山唐書地理志 山有三峰並峙為邑之勝明一統志 秦文公使髦

頭騎伐梓樹即此相傳山有石鷄與山鷄不別故名鷄峰賈志

陵原 在縣治北金陵河逕其左故謂之陵原其脉自吳山延亘而

來至此形如屏障為邑之主山縣志蟠龍山在縣北二里有故相國

黨少傳崇雅別業龍蜀餘聞

八角原一名八弓山在縣西二十里其形八角因名府志一名八弓山縣志

佛巖 在縣西四十里洞開陡壁飛閣懸樓頗為奇麗縣志

麥澗谷 在縣西七十里洪武三年產瑞麥五月進呈劉基有頌縣志

益門山 在縣西南十五里山巖險阻凡有事梁益州者必取道於

此故曰益門縣志即秦嶺北麓之峪雍勝畧

和尚原 在縣西南四十里賈志和尚原鳳之東境抵鳳翔不能百里

自兩當縣直出鳳州取大散關距和尚原纔咫尺宋中興四朝志鳳州即今鳳

縣志原在大散關東明一統志宋吳玠大破金人於此府志

大散嶺 在縣西南縣圖光啓二年上自寶鷄幸興元使王建負傳國

璽從登大散嶺嶺在寶鷄縣南五十二里嶺下有關通褒斜大路

綱目 嶺在梁泉縣松嶺堡南 胡三省注○梁泉今屬鳳縣

煎茶坪 在縣西南六十五里俗傳漢高祖引兵由故道出駐馬於

此 賈志

蛇山 在縣西南八十里其山多蛇 賈志

香巖 在縣南二十里其相近有天真洞在清風臺南相傳為邱長

春修真處 縣志

秦嶺 又名秦山 在縣南六十里南山之脊也 雍勝畧 凡縣治南山皆稱秦山

縣志

石鼓山 在縣東南二十里 明一統志 陳倉縣有石鼓山將有兵此山則

鳴 漢書郡國志 石鼓記周宣王田獵之事即史籀之迹也本在此山故

名 縣志

八魚原 在縣東南三十里 賈志

陝西通志 卷一 山川三

石塔山 在縣東南七十里其形如塔上有石盆旱禱輒應賈其麓志

有烟霞洞在磻溪谷中相傳為王喬修仙處又相近有響靜山祖

佛洞洞懸峭壁棧梯而上傍有湫池禱雨輒應縣志

青峰山 在縣東南八十里山峰秀麗接岐山縣界縣志

石樓山 在縣東南百二十里形如樓閣接岐山縣界縣志

西平原 一名大蟲嶺 在縣東北十五里宋將吳玠嘗與金將撒離喝相持

於此府志原之高峻處又名大蟲嶺其原延亘東接鳳翔界縣志

附考號縣有楚山九域志○按號縣故城在縣東山無考

渭水 在縣南一里自隴州流入又東入岐山界禹貢雖指渭水東與楚

水合又東入散關又東逕西武功北與汧水合又東右合南山五

溪水諸澗流注之又東逕陳倉縣西陳倉水東南注之渭水又東

與綏陽溪合又東逕郁夷縣故城南汧水入焉渭水之右磻溪水

注之又東逕石原

水經注○詳見圖考西武功故城在縣西南又按寰宇記郁夷故城在隴州西則渭水不應逕

陳倉而復逕郁夷也疑傳寫者之誤

陸川

即楚水一名長蛇水

在縣西二十五里即秦地平川盡處府志楚水南流逕

長蛇戍又南流注于渭

水經注

塔河

即并水

在縣西南十五里

縣志

扞水經故道縣西又東北歷大散關

入渭

水經注○故道縣今屬鳳縣

塔河水自鳳縣界來東北流入於渭

縣志

流玉澗水

在縣西南二里源出陵原之下南流五里入渭

府志

清澗河

即瀑布泉

在縣南五里其水洶湧東北流五十里入渭

賈志

瀑布泉

在縣西南七十里出煎茶坪山頂噴飛如布即清澗河源也

府志○按

此當即酈注之五溪水也

金陵河

在縣東五里源出五峰山南流入渭

縣志

在渭水北自隴州

流入縣境又南逕陵原計流四十里入渭

縣志

清水河

即陳倉水

在縣東南二十里

志縣

陳倉水出陳倉山下東南流注於

渭

水經注

在渭水南源出鷄峰山北流五里入渭

冊縣

汧水

一名汧陽河

在縣東三十里自汧陽鳳翔界流入又東南入渭

冊縣圖汧

水自逕郁夷縣又逕平陽故城南又東流注於渭水

水經注○平陽今屬岐山

縣

汧陽河源出隴州北入境東南流六十里入渭

冊縣

馬峪河

在縣東南四十里河傍有石穴如馬跡

冊縣志

源出秦嶺北流

七里入渭

冊縣

洛谷水

即綏陽溪水

在縣東南六十里源出南山北流入渭

賈志綏陽溪水

上承斜水自斜谷分注綏陽溪北屈陳倉入渭

水經注

洛谷水在渭

水南源出明家坡北流十五里入渭

冊縣

伐魚河

在縣東南六十里源出秦嶺北流三里入渭

冊縣

箕谷水

在縣東南六十五里源出箕谷北流三里入渭

冊縣

磻溪水

一名茲泉一名在縣東南八十里

明一統志

磻溪水出南山茲谷

乘高激流注於溪中溪中有泉謂之茲泉泉水潭積自成淵渚今

人謂之几谷東南隅有石室蓋太公所居也其水清冷神異北流

十二里注於渭

水經注

茲泉出岐山縣西南几谷

括地志

號縣有磻溪

太公釣處

通典

一名璜河在渭水南源出秦嶺北流五十里入渭

縣志

故道水

在縣西南五十餘里又西南流逕黃牛堡入鳳縣界

縣志

道水出陳倉之大散嶺西南流逕故道縣

水經注

號川

在縣東南百五十里

縣志

號縣有桃號川路通漢中

寰宇記

號川

水源出奧山下北流十里又折而西流六十里逕進口關入鳳縣

界

縣冊○按此即鳳縣之紫金水源也

玉女潭

在縣西南二十五里玉女祠下

賈志

東西官井

在縣南門外相距百餘步濶五尺深不及丈其水清甘

縣志

九眼泉

在縣南六里泉出九穴其水清冽

府志

溫泉

在縣東南四十里溫泉谷其水常溫

府志泉在渭水南

阿谷泉

一名神泉

在縣東五里西平原之麓其水清冽觸穢輒塞祀禱乃

通人號為神泉

縣志

鷄跑泉

在縣東二十里

縣志

相傳秦穆公神鷄飲此遇旱洵之即雨

縣志

滴水泉

一名三疊泉

在縣東三十里官道傍

縣志

寶鷄治東三十里官道傍

有泉三疊學使許孫荃名為三疊泉系之以詩曰空山殊未雨何

自百重泉三疊傳聲處依稀太古絃

華岳集

女羅泉

在縣東二里金臺觀下

府志

汧陽縣

龍泉山

龍一作隴

在縣東十五里有泉出其下故名

雍勝畧

傅家原

在縣北十里又縣北十五里為柳家原

府志

馮坊原

在縣西北二十五里

縣圖

天台山

在縣西北四十里

縣圖

臥虎山

在縣西形如伏虎舊在縣東二里今移治故此山在西

縣志

龍槐原

在縣西二十里

府志

箭筈嶺

在縣南十里五代梁貞明六年蜀將陳彥威敗李茂貞兵

於此其地可資戰守

縣志

馬脊山

在縣南二十里

府志

縣南二十里有秦王洞石穴深數丈寒

冽逼人入洞數里水滴瀝寒不可入俗傳為秦王避難處

賈志

石墨洞

在縣東南三十里

縣志

龜兒山

在縣東三里又縣東五里有蛇兒嶺皆以形似名

府志

歇馬原 在縣東二十里

府志

馬鞍山 在縣東北三十里以形似名山之下為楚作原有望天峽

又中作原在縣東北中作里

縣志

附考鳴箏峽在縣東

縣志。按峽疑即今石門然無可據存考

汧水 在縣南一里自隴州流入又東南逕鳳翔界入寶雞界

縣圖汧

水自會吳山水又東南逕隴縣故城又東南歷慈山逕郁夷縣

水經注。隴縣故城在縣東又按故郁夷縣及慈山今俱屬隴州說見寶雞縣汧水合暉河逕縣東玉清

宮前有石峽對鎖每逢霖雨水發則波勢洶湧轟若雷霆謂之大

石門又東一里許為小石門或傳大禹道汧入渭所鑿也

縣志

草壁峪溪 在縣西三十里其北有石魚溝舊有石魚神廟相傳溝

內有石欲取者虔禱剖石則兩片皆有魚形否則不全其水流入

草壁溪南流六十里入汧

縣志

暉川河 在縣西源出馮坊里為北山之水所聚勢極猛迅南流七

十里入於汧又新碧潭在縣西北三十五里順治間知縣王國璋

疏鑿引導潭水達於暉河

縣志

東江河

一名諸施溝

在縣西門外今頗堙塞

縣志

諸施溝水自縣北四十里

天台山發源南流三十里入汧河

縣志

天池溝水

在縣東自高圪塔發源南流三十里入汧河

縣志

澗口河

在縣東

縣志

自楚作原南流入汧河

縣志

源出縣東北七十里

鳳翔界之土王山南流四十里入汧河

縣志

隴糜澤

在縣東八里漢以此名縣

元和志

其地近水宜秔稻今多堙

廢

縣志

礦峪溝

在縣西二十里龍槐里

縣志

三川溝

在縣東北歇馬里又大魚溝在縣東龍泉里又曲子澗在

縣東十八里

府志

吳姑泉

一名雨露泉

在縣西二十里一名雨露泉

縣志

冽古泉

在縣西二十五里其源澄清四時常溫

縣志

珍珠泉

一名吐珠泉

在縣南三里

府志

在三泉鄉其泉自山罅迸出墜落石

盤飛洒噴吐又名吐珠泉清冽較勝諸水相傳飲此可消癭又相

近有三泉泉出三眼長流不竭

縣志

馬跡泉

在縣東南二十里泉傍石上有人馬之跡又有秦王鑄劍

爐

縣志

馬跑泉

在縣東五里馬跑泉鋪

縣志

麟遊縣

吳雙山

一名吳重山一名四峰山一名四堆山

在縣東南四十里接扶風縣界有四峯

北曰接辰南曰聯斗東曰萃旭西曰落照俗呼四堆山又名四峯

山險峻可資戰守明末賊張一明據此月餘始平縣志俗又名吳重

山明一統志

童山 在縣治北上有崔府君祠府志脉自靈臺縣蜿蜒至此軒然直

上為山脉結聚處又有龍穴在縣西城外麟溪橋右峭壁懸崖穴

有龍形隱如鱗甲爪角之狀縣志

石鼓峽 在縣北十里澄水所經峽凡三折奔濤激浪如喧雷鼓縣志

加伏山 在縣西北四十里縣志羣山環拱聯絡數十里接靈臺縣界

縣志

天臺山 在縣西五里唐九成宮西雍勝畧舊構浮圖殿于上九成萬

年兩古碑尚存又屏山在鳳凰山北蒼崖百尺摺疊如屏巨石臨

危若墜復倚清泉自崖半石罅中出如吐珠噴玉一名滴水崖又

紫荊山在縣西十里縣志

鳴鳳山

一名鳳凰山一名鳳臺山

在縣西五里與天臺山相對

府志

小巒傑出有如

島嶼相傳隋文帝時有鳳鳴其上亦名鳳凰山

賈志

一名鳳臺山

縣志

龍窩峽

在縣西二十五里山水奇麗曲折入勝

縣志

杜山

在縣西五十里招賢鎮杜水所出

縣圖

寶玉山

在縣西七十里石紅白相雜宛然若玉又龍鳳山在縣

西八十里

賈志

青蓮山

在縣西南二十里其形似蓮草木葱翠

雍勝畧

九成宮之屏

山也

賈志

百尺崖在縣西南二十五里崖壁峻絕青碧如繒

縣志

五將山

在縣西南五十里接岐山界

縣圖

瀆魁水東歷五將山

水經注

麟遊縣有五將山

金史地理志

又見岐山縣按此當別為一山非醴泉之五將山也

箭枯山

在縣南五十里接岐山界嶺懸天半形勢嵯峨隋時常伐

山除道以通仁壽宮宋末金將粘沒喝攻此吳玠遣兵擊破之蓋

邑之險峻處也

縣志○亦見岐山縣

石臼山 在縣南稍東十里許兩腋拱起如翼中有靈湫匯而為池將雨則雲自池中起旱禱有應山後石室有搗藥杵曰蓋古仙丹竈處其石壁絕頂可望邠乾相傳唐太宗每幸九成宮使徐世勣屯軍於此營壘遺址尚存又魚塘峽在縣南二十里怪石錯出層稜如削望之如有落勢

縣志

馬鞍山

在縣東南十里以形似名

賈志

火石山

在縣東南三十里

縣志

紫石山

在縣東二十里二水合流處山石皆紫故名山半有瀑布

自石腹中出直下層崖有龍飛鳳舞之勢

縣志

催木嶺

在縣東北四十里隋營仁壽宮自渭上運木經此因名

縣志

○按寰宇記縣東北五十里有崔模廟疑當為崔模嶺縣志所云殆訛傳也

附考麟遊縣有黝土山九域志○今無考

漆水 在縣西東南流入岐山界縣圖倚與漆沮詩經周頌漆沮岐周之二

水毛傳踰次之山漆水出焉山海經漆水出岐山郭璞注右扶風漆縣漆

水在縣西漢書地理志○漆縣故城在縣西漆水出杜陽縣之漆溪謂之漆渠漆

渠水南流大藥水注之二川洋逝俱為一水南與杜水合水經注○杜陽

故城即今治普潤縣城西有漆水元和志○普潤故城在縣西漆沮有二詩漆沮入

於渭之上流段氏注漆水出漆縣西北至岐山東入渭十三州志漆水源

出普潤縣東南漆溪寰宇記漆水合杜岐雍以入渭在涇水西禹貢錐指

源出縣西百二十里舊普潤縣西之青青山合岐水入渭縣志○雍錄云

岐之與邠固皆同隸漢世漆縣然漢志漆水特一出無兩漆也元和志務合鄭說遂分漢志一漆而著諸兩縣故普潤新平皆有漆

水仍于新平立之說曰漆水在縣西九里西流注乎涇今麟遊亦有漆水與此異據此不獨一漆分為兩漆而意指所向正謂邠州

漆水應經而岐下漆水不與綿應也夫漢志但著一漆而吉甫直以邠漆為漆不以岐漆為漆則酷信鄭元之過也按鄭氏綿詩注

云公劉遷獨居漆沮之地故元和志謂邠州之漆別為一水入潁而寰宇記亦以白土川當之然又考元和志云隋置普潤屯後廢屯立縣在漢為漆縣地則亦明謂普潤即漆縣矣又安得謂一漆縣有兩漆水平程大昌力辨其誤似不為無見故存其說以俟考

岐水一名大在縣西縣圖岐水出石橋山東南流淮南子牧龜於岐史記封禪

書岐水名漢書音義大藥水出杜陽縣西北大道川東南流入漆即故

岐水也水經注王季葬於滑山之尾藥水齧其墓論衡普潤縣有岐水

隋書地理志岐水即大藥水也源出普潤縣東南流入漆水寰宇記

杜水一名大橫水一名麟遊水一名招賢川在縣南城下東南流入乾州界縣圖杜陽縣

有杜水南入渭詩曰人之初生自土沮漆齊詩作自杜言公劉居

杜與漆沮之地漢書地理志水發杜陽縣大嶺側世謂之赤泥峴沿坡

歷澗俗名大橫水疑即杜水矣其水東南流逕杜陽故城世謂之

故縣川二坑水注之水有二源一水出西北與瀆魃水合而東歷

五將山又合鄉谷水水出鄉溪東南流入杜謂之鄉谷川杜水又

南合茨水

水經注

普潤縣有杜水

隋書地理志

杜水源出普潤縣東南溪

澗間

寰宇記

麟遊水在縣南源出縣西招賢川

明一統志

杜水出縣西五

十里招賢鎮杜山之陰行石澗中東南流至舊九成宮西納鳳臺山北西海口一帶之水而其流始大蓋西海口納良舍西坊兩流也又東南納清水河一帶之水而其流愈大杜水又接排雲殿山細流而東逕縣南北受通濟橋五龍泉和尚泉等水又東則南受馬家溝口水又東折逕火星廟北過峽東轉合澄水縣治居杜澄二水之中復折而過慈禪寺受石臼山史家河一派再折至紫石山後受吳雙以北之水而可以勝舟矣又數折北受縣東之尉遲澗水又受小花石溝水而其勢益大出縣境逕乾州又至武功入

渭縣志

清水河

在縣西十里

縣志

合青蓮山箭枯山分水嶺下兩流北流入

杜水

縣志。按此疑卽水經注之二坑水

五龍泉水

在縣西門外水極清冽南流入杜水

縣志水味作酒異常

宋熙寧中王竦爲記立石今不存

府志

澄水

在縣東城下

府志

在縣北源出澄名里納北來嶺西河四郎廟

峽內諸水東南入杜水

縣志。按此疑卽水經注之鄉溪水

尉遲澗水

在縣東三十里入長安便道兩山險阻中橫一澗相傳

太宗幸九成宮尉遲敬德開修輦路於此

縣志

細川谷水

在縣西

縣圖

蒲川水出南山蒲谷東北合細川水

古水經注在

普潤縣南又北流入涇州界

寰宇記

玉女潭

在縣西南十五里俗傳唐武后避暑九成宮時浴此

名山記

潭在魚塘峽內其水自永安宮前流入此潭半山落下聲震巖谷

四面屏山圍繞如畫隋文帝時常遊宴於此

縣志

醴泉

在縣西五里

賈志

貞觀六年帝避暑九成宮歷覽臺觀閑步西

城躊躇高閣之下俯察厥土微覺有潤因以杖導之有泉隨而湧

出乃承以石檻引為一渠其清若鏡味甘若醴

唐魏徵醴泉銘序

泉在九

成宮中年久泉涸有醴泉碑銘魏徵撰歐陽詢書尚存

雍勝畧

舊井

在縣北興國寺東南味甚甘冽

府志

隴州

吳嶽

在州南七十里

州志。詳見圖考

丹陽洞

在州北里許相傳為馬丹陽成仙處中有三清殿階下有

栢分十股中有清泉四時不涸

州志

青崖山

在州北四十里高峻秀聳上有清涼寺清泉湧流旱禱有

應州

志

沙金谷

沙一作殺

在州西北十五里宋建炎中敗金人於此

州志

景福山一名龍門山在州西北六十里一名龍門山有龍門洞漢婁敬樓

真之所山水奇秀又有鳳爪朝元定心三峰其下有甘露泉州志

蒲峪在州西二十里州志汧縣北有蒲谷鄉弦中谷漢書地理志。汧縣故城在州

東南

慈山在州西四十里其相近有白環谷在汧源舊縣界府志。汧源故城在

州東南

汧水東歷慈山水經注白環谷白環水所出雍大記

岍山在州西四十里汧水所出雍大記汧一作岍按有汧水故其字

或從山或從水夏本紀注汧源縣有岍山隋書地理志山在汧源縣西四十

里東隣岐岫西接隴岡括地志山在縣西六十里北與隴山接禹貢

導岍及岐是也元和志未詳而晁氏則云今之隴山天井金門秦嶺皆古

之汧山又按縣圖吳山脈接隴山與岍慈諸山相連則岍山即吳

岳之支也考汧水之源一西出岍山一南出吳岳之陰故謂禹貢

之導岍者或指吳岳或指岍山又安得以吳岳與岍山各自為山而遂謂其絕不相屬乎

隴山即隴坻一名隴坂一名小隴山又名鸚鵡山在州西六十里接鞏昌府清水縣界州圖

阪有漆詩經秦風隴阪也即今隴山地理志隴西有隴坻在其西詩注天

水有大坂曰隴坂應劭注汧水出縣西山世謂之小隴山高嶮不通

軌輶即古隴坂也其坂九迴不知高幾許欲上者七日乃越高處

可容百餘家有清水四注下即隴頭水也三秦記隴山東西一百八

十里登山東望秦川四五百里極目悵然山東人行役升此而顧

瞻者莫不悲思故為之歌秦州記汧源縣有隴山隋書地理志小隴山在

吳山縣西四十里元和志吳山故城在州東南小隴山在南由縣西北胡氏鑑注南

由故城上有懸溜吐于山中匯為澄潭名萬石潭流溢散下皆注

於渭類書山高而長多鸚鵡一名鸚鵡山雍勝畧雍大記云南踰岍

隴北接沙漠其名有四一名槍竿嶺一名米高山一名湫頭山一

名龍江峽漢屬漢陽郡刺史治名隴坻即祭遵破王元兵處州志

關山 在州西八十里其山高峻盤折而登經五十里始至絕頂為

秦鳳要害州志距關中千里嶺之西有長寧驛雍大山多鸚鵡為臨

鞏要關明一統志其頂有分水嶺賈志

大丞峪 在州西南十里又州西南十五里有麥棗峪又州西南二

十里有桐樹峪又州西南七十里青陽峽唐杜甫有詩州志○

府志作

天井山 在州西南百里山巔有井四時不涸雍勝

金門山 在州西南百里天井山東南府志渭水東南出石門水經兩

山對峙其形如門渭水流其中州志○按此

方山原 在州西南百里宋紹興中吳玠與金人戰於此州志紹興十

一年割地畀金人求商州及和尚方山二原許之於是遂以大散

關為界宋會

秦嶺

在州西南

州圖

隴州隴安縣有秦嶺山

九域志

○隴安

東起

洛西盡汧隴東西八百里

三秦記

晁氏以為隴山秦嶺皆古之岍

北理

通釋

秦嶺山在隴安舊縣因西秦地勢相連其山高於諸岫故名

勝苑

畧

牛頭山

在州西南百二十里以形似名明末總兵楊麒破流賊處

州志

白牛峪

在州南十里又州南十二里有黃花峪產黃花又州南十

三里有乾峪

府志

紫鵲山

在州南四十里望之紫翠成堆舊屬吳山縣府志脉接牛心

山前連朝天嶺

州志

○按唐書地理志吳山縣有紫鵲山疑鵲字即鵲字之訛

牛心山

在州南五十里

州志

還魂嶺

在州南百七十里

州志

朝天嶺 在州東南三十里唐盧照隣有詩州志

塔兒峽 在州東南四十里旁有石洞數丈可容百餘人青山環峙

一水七折方出峽口有三股水合流注下絕為神異州志

西秦山 在州東南百里州圖在隴安舊縣北二十里雍大記其上有秦

王試劍崖府志

寒居洞 在州東南百二十里縣頭鎮北山下嵩陽居士有記府志

龍盤山即盤龍山在州東南百二十七里州圖南由縣有盤龍山隋書地理志龍

盤山在吳山舊縣東南七里山勢盤曲如龍故名州志

相公山 在州東三十里相傳有後漢右丞相墓姓氏莫考州志

峰臺山 在州東四十里上有數峰雄峙州志

水峪 在州東北四里在雨霖水溢時衝啗州城為患州志

附考唐太宗貞觀四年幸隴州夜獵於貴全谷冊府元龜○按此谷無考全一作泉

渭水

在州南百四十里自秦州清水縣入州境又東入寶雞界

禹貢

鑑

渭水東南出石門度小嶺山逕南由縣南東與楚水合又東入

散關

水經注○散關今屬寶雞

渭水在南由縣南四十里

元和志

渭河在隴安縣

西南四十五里

寰宇記○詳見圖考

長蛇水

即楚水

在州西南

州圖

數歷之山楚水出焉而南流注於渭

山海經

楚水世所謂長蛇水水出汧縣之數歷山南流逕長蛇戍東又南

流注於渭關駟以是水為汧水

水經注○按數歷山今無考長蛇戍即魏長蛇縣在州東南

長

蛇川在南由縣西百步

元和志

在吳山舊縣境內其流委曲如蛇後

魏以此名縣

州志

金陵河

在州東南四十里南村鎮西又東南流入寶雞界

州冊

汧水

一名魚龍川

在州城南又東流入汧陽界

州圖

周孝王使羸非子養馬

於汧渭之間

秦本記

汧縣汧水出西北入渭

漢書地理志

汧水出岷山

郡圖

志源出汧源縣西南岍山東入渭括地志汧水出汧縣之蒲谷鄉弦

中谷爾雅曰水決之澤為汧汧之為名實兼斯舉水有二源一水

出縣西小隴山其水東北流歷澗注以成淵潭漲不測出五色魚

俗以為靈莫敢採捕因謂是水為魚龍水自下亦通謂之魚龍川

川水東逕汧縣故城北又東歷澤亂為一右合龍泉又東會一水

自水會上下咸謂之魚龍川又東南逕隴縣水經注○隴縣今屬汧陽汧

源縣有汧水隋書地理志隴州路七十餘里有洞中有石或大或小隨

水流出破之中皆有魚龍形過者並不敢語語者便聞風雷之聲

錄異汧河源出岍山東流會北河東南入汧陽界濱水之地自州

西至汧陽寶鷄幾二百里謂之汧川雖隆冬蔬草長青如春又魚

龍川源出小隴山東北流杜甫詩水落魚龍夜即此州志

關山河在州西八十里源出關山東北流合於汧州圖白環谷水在

州西水流如環故名

州志

吳山縣有白環水

九域志

汧源縣有白環水

金史地理志

蒲峪水

在州西二十里

冊

雍州其澤藪曰弦蒲

周禮職方氏

弦蒲在汧

鄭司農云弦蒲或為汧浦

周禮注

九藪秦有楊陁

爾雅

楊陁在汧

郭璞注

汧水出蒲谷鄉弦中谷尖為弦蒲藪

水經注

汧源縣有弦蒲藪

九域志

弦蒲藪在州西四十里

明一統志

○按楊陁即弦蒲而今州西四十里尚有蒲峪寨則其為古之蒲谷鄉無疑也

疑也

北河

在州城北其流最細會溫泉水南入汧又溫泉水在州西北

十五里隆冬不冰一名湯池

州志

金泉水

一名白龍泉

在州南四十里

府志

汧水右合龍泉泉徑五尺源流奮

通淪漪四泄東北流注于汧

水經注

金泉一名白龍泉

明一統志

金泉在

州東南梨林川水出如注汚之即涸俗傳昔人得金鞭于此其水

東北注于汧州

八渡河俗名一水河在州東南州圖汧水又東會一水發南山西側山下石

穴廣四尺高七尺水溢石穴懸波側注發源成川北流注於汧水經

注一水河發源望輦峰左旋遶廟前東北流入汧水又神岔溝在

閭苑西三里許一通五峰山壑一通一水河源即宋吳玠敗兀朮

處州志○按水經注云汧水有二源一水出縣西山一水發南山

不察汧有二源之語遂呼之為一水河且沿襲而筆之於志其謬甚矣今特為正之

汧水在州西北又東北流入華亭縣界州圖○按漢書地理志云

又水經注云芮水出小隴山朱子詩傳云芮水出吳山西北東入涇

蔡氏書傳云汧水出弦蒲藪西北今考隴州之水凡出吳山及

弦蒲者或合於汧或入於渭而並無入涇之水漢志諸書所云殊

不可解惟郡縣志云涇州良原縣有芮水一名宜祿川西自隴州

華亭縣流入今在長武縣入涇者是也此正與詩所云芮鞠之即

者合故寧據經為斷而不敢因傳以疑經存其說以俟考可也又

見長武縣

丹泉

在州北二里谷神觀東

雍勝畧

神泉

在州西十五里平地湧出

州志

涼泉

在州西南十五里涼甫里四時皆涼

州志

蓮花泉

在州南四十里南村鎮東其水不竭

州志



